



3. november 2016

UKA 2016/59

Naqqiut

(11. august 2016-imik ullulerneqarsimasooq taarserpaa, siunnersuuteqartup aqqa taarserneqarpoq)

Inatsisartut suleriaasianni § 33 naapertorlugu Inatsisartut aalajangiiffigisassaattut siunnersuut imaattoq matumuuna saqqummiuppara:

Meeqqat atuarfianni angajullit atuartinneqarnerini MMS imaluunniit nittartakkakut naapittarfikkut tamataqanngitsunik assinik avitseqatigiittarnermut tunngasunik paasissutissiisarneq eqqunneqarnissaannut Naalakkeruisut peqquneqarnissaannut aalajangiiffigisassatut siunnersuut.

(Demokraatit Inatsisartunut ilaasortaataitai)

Tunngavilersuut

Atoqatigiinneq inuunerup ingerlanerani pissusissamisoorluinnarpoq. Pingaaruteqarporlu atoqatigiittarnek oqallisigeqqusaanngitsutut pinagu oqallisigilluarneqartarnissaa, aammalutaaq angajoqqaat meeqqaminnut. Qularutissaanngilarli angajoqqaarpassuarnut killissamik qaangiinerusartoq meeqqaminnut atoqatigiinneq pillugu eqqartuiniaraanni, taamatuttaarlu atoqatigiinneq pillugu meeraq amigartumik paasissutissinneqartoq inuunerminut ingerlateqqittarlugu. taamaattumik pingaaruteqarpoq atuartitsinermi atoqatigiinneq pillugu paasissutissiisoqartalernissaa, taamaasilluta nunatsinni meerartagut atoqatigiinnermut tunngatillugu pitsaanerpaamik timiminnut killiliisinnaanermullu tunngasunik paasissutissateqarsinnaallutik.

Tamanut nittartakkat nittartakkakullu naapittarfiit ajornanngitsumik isiginnaagassianngorlugit atoqatigiittunik takusassianik periarfissaqartitsisinnaasarput tamatumuunalu aamma meeqqanut. Tamanna isumaqarpoq angajoqqaat atuarfeqarfiillu nakkutiginneqqissaartariaqartut meeqqat nittartagaq suna iserfigisarneraat. Taamatuttaarlu aamma meeqqat inuusuttullu ajornanngitsumik periarfissaqalernikuupput namminnek allaluunniit pineqartut nittartakkatigut atoqatigiinnermut tunngasunik isiginnaagassianngorlugit assinngorlugilluunnit avitsinissaminnut. Assitigut isiginnaagassiatigulluunniit nittartakkatigut avitseqatigiinneq kinguneqarsinnaasarput inunnut ataasiakkaanut kingunerlutsiterujussuarnikkut pissutigalugu assit isiginnaagassialluunniit allanut ingerlateqqinneqarsinnaasarmata, aamma telefonit qarasaasialluunniit iserfigineqarlutillu tillinneqarsinnaasarmata. Takorlooruminaatsunik siunissamut ungasinnerusumulluunniit kingunerlutsitsisinnaasarput, nittartagarmi puigorsinnaanngitsuusisarmat. Taamaattumik



pingaaruteqarluinnarpoq meeqqanut atuartitsinissaq paasissutissiinissarlu tamakku namminermut allanulluunniit kingunerlutsitsinnaasut pinngitsoortinniarlugit.

Atuartitsineq ileqqorissaarnermut inatsilerinikkullu akunnattoorutit assitigut isiginnaagassianilluunniit atoqatigiinnikkut tunngasunik avitseqatigiinnernik imaqartariaqarput, taamatuttaarlu asanneqatigiinnermut, kammalaatigiinnermut atoqatigiinnermullu peqqissumik nittartakkatigut ingerlanissaat isumannaarniarlugu.

Allatut oqaatigalugu meeqqat inuusuttullu ilinniartissavagut eqqarsaqinnermut aammalu isornartorsiuisinnanermut nittartakkatigut atoqatigiinnermut tunngasunik avitseqatigiinnissamut.

Naalagaaffitsinni suliniaqatigiiffiit pineqartumut attuumassutillit ilisimatusarnikkut pineqartumut paasissutissaatilinnik peqareerpoq – soorlu atortussat pioreersut nutserinikkut tigorianaannangorlugillu atorineqarsinnaasut. Demokraatit kajumissaarutigivaa eqqaaneqartut takorluuilersitsissasut atuatsitsissutigineqalernissaannulluunniit toqqaannartumik atorineqalernissaat.

Aningaasatigut allaffissornikkulluunniit pisortanut kingussaa

Atuatsitsinermit atortussanik nutserinermullu tunngasunik suliaqarnissamut aningaasartuuteqarnissaa naatsorsuutigineqarpoq. Aningaasartuutit atuartitsinissamut isiginnaagassiassanut allanullu attuumassuteqarput. Tamatumalu avataatigut ilinniartitsisut kursusinut ilisimasaqalernissaallu pisariaqassaaq. Aningaasartuutilli 1 million pallinnissaat naatsorsuutigineqanngilaq. Aningaasat eqqartorneqartut meeqqat atuarfianni atoqatigiinnermut atuartitsinermit aningaasaliissutigineqareersunut pingaarnersiorneqassapput.

Aningaasatigut allaffissornikkulluunniit namminersorlutik inuusutissarsiortunut kingunissaa

Soqanngilaq.

Aningaasatigut allaffissornikkulluunniit innuttaasunut kingunissaa

Soqanngilaq.

Taamatut oqarlunga Naalakkersuisut akissuteqaatissaat partiillu oqaaseqaatissaat qilanaaraakka.